



## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

### **Staða ráðninga á skóla- og frístundasviði 17. október 2023**

Þann 17. október var send fyrirspurn til stjórnenda leikskóla og frístundamiðstöðva á skóla- og frístundasviði um stöðu í starfsmannamálum. Svör bárust frá öllum. Samkvæmt svörum þeirra er búið er að ráða í um 96,6% grunnstöðugilda í leikskólum og um 82,6% í frístundaheimilum/sértækum félagsmiðstöðvum. Eftir á að ráða í 78 grunnstöðugildi í leikskólum og 52,3 stöðugildi í frístundaheimilum og sértækum félagsmiðstöðvum.

	Austurmiðstöð	Norðurmiðstöð	Suðurmiðstöð	Vesturmiðstöð	Samtals
Leikskóli	37,8	12,0	8,0	20,1	<b>77,9</b>
Frístundaheimili og sértækar félagsmiðstöðvar	17,5	20,3	7,5	7	52,3
Fjöldi stm í fríst.starfi	33	43	15	14	105

Tafla 1. Staðan í ráðningum skipt eftir starfsemi og borgarhlutum 17. október 2023

**Í leikskóla** á eftir að ráða í 77,9 grunnstöðugildi á deildum, sérkennslu og stjórnun samanborið við 91 þann 19. september og 109,4 í 22. ágúst síðastliðinn. Þann 11. október 2022 átti eftir að ráða í 83 stöðugildi. Að auki á eftir að ráða í samtals 24,5 stöðugildi í eldhús og vegna afleysinga vegna undirbúningstíma og skammtímaveikinda sem er svipuð staða í stöðutökunni í september og svipuð og fyrir ári. Samtals á því eftir að ráða í 101,4 stöðugildi sem er fækkun um 15,6 stöðugildi frá því 19. september sl. Og ekki ósvipuð staða og fyrir ári en þann 11. október fyrir ári þegar átti eftir að ráða í samtals 108,5 stöðugildi. Spurningin sem leikskólastjórar svöruðu var hvað vantar mikið af stöðugildum í dag þriðjudaginn 17. október, þannig að fullmannað sé miðað við að öll börnin hafi hafið vistun, þ.e þau börn sem eru í vistun í dag og þau sem búið er að bjóða vistun. Því byggja ofangefnar tölur á þeim degi en jafnframt gáfu leikskólastjórar upp að búið er að ganga frá ráðningu í 17,5 stöðugildi en það starfsfólk hefur ekki hafið störf enn. Auk þessara stöðugilda sem vantar á gefnum degi vænta leikskólastjórar þess að þeir þurfi að ráða í um 22,5 önnur stöðugildi í stað núverandi starfsfólks sem mun fara í leyfi að hætta störfum á komandi vikum og mánuðum. Alls eru 29 leikskólar fullmannaðir, flestir hinna eiga eftir að ráða í 1-2 stöður en 16 leikskólar eiga eftir að ráða í fleiri en tvær stöður.



**Í frístundaheimili/sértækar félagsmiðstöðvum** á eftir að ráða í 52,3 stöðugildi samanborið við 68,6 stöðugildi þann 19. september og 84 stöðugildi þann 22. ágúst síðastliðinn eða um 105 einstaklinga. Þetta er heldur verra en 11. október 2022 þegar átti eftir að ráða í 43,8 stöðugildi. Ráðið hefur verið í um 83,1% stöðugilda. Staðan á biðlistum breytist dag frá degi en þann 17. október voru 458 börn á biðlista af þeim 4.187 börnum sem voru með virka umsókn. Því eru 3.729 börn í vistun en þar af eru 335 börn í hlutavistun. Í síðustu stöðutöku þann 19. september voru 675 börn á biðlista af þeim 4.199 börnum sem voru með virka umsókn. Þá voru 3.524 börn í vistun en þar af eru 460 börn í hlutavistun. 94% frístundaheimilanna hefur náð umbeðinni vistun í 1. bekk (eitt frístundaheimili sagði nei við fyrsta bekk en já við 2. bekk), 100% frístundaheimilanna hafa náð umbeðinni vistun í 2. bekk sem er hækkun frá 60% í upphafi skólaársins, 61% hefur náð umbeðinni vistun í 3. bekk og 36% í 4. bekk sem er hækkun frá um fimmtung við síðustu stöðutöku.

Niðurstöðurnar eru nýttar til að greina stöðuna og beina stuðningi til þeirra starfstaða sem er í mönnunarvanda. Ákvarðanir um auglýsingaherferðir byggja jafnframt á þessum upplýsingum. Þá fá fagstjórar, stjórnendur og mannauðsráðgjafar í miðstöðvum góða yfirsýn yfir stöðuna og fjármálaráðgjafar og stjórnendur starfstaðanna stilla saman strengi hvaða heimildir eru til ráðninga.

Næsta fyrirhugaða stöðutaka er 7. nóvember.



## Fylgiskjöl

## Tölfræði um stöðu ráðninga og áhrif á þjónustu.

## Leikskólar

	Aðstoðar- leikskólastjóri	Grunnstöðugildi á deildum	Sérkennslu- stjóri	Úhlutuð sérkennsla	Samtals
Austurmiðstöð	0,0	17,0	1,0	19,8	<b>37,8</b>
Norðurmiðstöð	0,0	7,0	1,0	4,0	<b>12,0</b>
Suðurmiðstöð	0,0	2,0	1,0	5,0	<b>8,0</b>
Vesturmiðstöð	1,0	12,7	2,0	4,4	<b>20,1</b>
<b>Samtals</b>	<b>1,0</b>	<b>38,7</b>	<b>5,0</b>	<b>33,2</b>	<b>77,9</b>

Tafla 1a - Fjöldi grunnstöðugilda í leikskólum sem á eftir ráða í eftir borgarhlutum og tegund starfa

	Afleysing v. undirbúnings- tíma og skammtíma- veikinda	Stöðugildi í eldhús (ef ekki er úthýst)
Austurmiðstöð	11,5	0,0
Norðurmiðstöð	5,0	1,0
Suðurmiðstöð	3,0	0,0
Vesturmiðstöð	4,0	0,0
<b>Samtals</b>	<b>23,5</b>	<b>1,0</b>

Tafla 1b - Fjöldi annarra stöðugilda í leikskólum sem ég eftir að ráða í eftir borgarhlutum og tegund starfa

## Frístundaheimili og sértækar félagsmiðstöðvar

	Frístundaheimili		Sértæk félagsmiðstöð	
	Fjöldi stöðugilda sem á eftir að ráða í	Fjöldi starfsfólks (kt) sem á eftir að ráða	Fjöldi stöðugilda sem á eftir að ráða í	Fjöldi starfsfólks (kt) sem á eftir að ráða
Austurmiðstöð	14,5	28,0	3,0	5,0
Norðurmiðstöð	12,0	24,0	8,3	19,0
Suðurmiðstöð	7,5	15,0	0,0	0,0
Vesturmiðstöð	7,0	14,5		
<b>Samtals</b>	<b>41,0</b>	<b>81,5</b>	<b>11,3</b>	<b>24,0</b>

Tafla 2 - Fjöldi stöðugilda og starfsmanna í frístundaheimilum og sértækum félagsmiðstöðvum sem á eftir að ráða í eftir borgarhlutum.



	Fjöldi kt.	Samþykkt	Þar af hlutvistun	Biðlisti	Hlutfall barna á biðlista
Austurmiðstöð	1437	1215	93	222	15,4%
Norðurmiðstöð	1191	1062	159	129	10,8%
Suðurmiðstöð	660	610	45	50	7,6%
Vesturmiðstöð	899	842	38	57	6,3%
<b>Samtals</b>	<b>4187</b>	<b>3729</b>	<b>335</b>	<b>458</b>	<b>10,9%</b>

Tafla 3 - Fjöldi barna, samþykkt barna, hlutfall samþykkt barna í hlutavistun, fjöldi barna á biðlista, hlutfall á biðlista